



CONVENIO DE COLABORACIÓN ENTRE A CONSELLERÍA DE POLÍTICA SOCIAL DA XUNTA DE GALICIA E A FUNDACIÓN EXPONAV PARA O FOMENTO DA ACTIVIDADE MUSEÍSTICA DA DEVANDITA FUNDACIÓN ENTRE A POBOACIÓN XOVE.

MEMORIA XUSTIFICATIVA

A Directora Xeral de Xuventude, Participación e Voluntariado, Cecilia Vázquez Suárez, **DECLARA:**

Que esta Dirección Xeral de Xuventude, Participación e Voluntariado ten previsto formalizar coa fundación Exponav o convenio arriba referido por un período que abrangue desde a data da súa sinatura ata o 31 de decembro de 2016.

Que o convenio ten por obxecto establecer as bases reguladoras da colaboración entre a Consellería de Política Social, a través da Dirección Xeral de Xuventude, Participación e Voluntariado, e a fundación Exponav, para o fomento da actividade museística da devandita fundación entre a poboación xove de Galicia, mediante as actuacións de colaboración que se leven a cabo xaneiro de 2016 e ata o remate da vixencia deste convenio.

Que existe converxencia de intereses entre as entidades asinantes en orde á consecución do obxecto referido.

Que o instrumento convencional que se pretende asinar fundaméntase no seguinte:

I. Que o artigo 48 da Constitución Española encomenda aos poderes públicos a promoción das condicións idóneas para a participación libre e eficaz da xuventude no desenvolvemento económico, social e cultural e que a dita competencia atópase organicamente adscrita á Dirección Xeral de Xuventude, Participación e Voluntariado, en virtude do Decreto 176/2015, do 3 de decembro, polo que se establece a estrutura orgánica da Consellería de Política Social, correspóndenlle, entre outras funcións, a xestión das actuacións en materia de xuventude, así como as políticas xuvenís de carácter interdepartamental e de apoio ao desenvolvemento da actividade xuvenil; o fomento da participación da mocidade na vida social; a coordinación e a supervisión do funcionamento das instalacións xuvenís, tanto as propias da consellería como as dependentes doutras entidades e a prestación da asistencia técnica necesaria para dar un servizo de calidade; así mesmo, correspóndelle o fomento da mobilidade xuvenil, dos intercambios xuvenís, tanto no ámbito da Comunidade Autónoma de Galicia como no resto do Estado e no ámbito internacional.

II. Que a política xuvenil que leva a cabo a Dirección Xeral de Xuventude, Participación e Voluntariado trata de abarcar todos os ámbitos, co obxecto de garantir o desenvolvemento integral dos mozos e mozas galegos, incluíndo iniciativas e programas que tratan de potenciar as actitudes sociais da mocidade como un complemento necesario que vaia máis alá dos programas educativos propiamente





ditos e que comprende actividades nas que se utilice o tempo de lecer e ocio dunha forma axeitada. A actividade museística que leva a cabo a Fundación Exponav ten un perfecto encadre dentro deste tipo de actuacións e pode contribuír a o enriquecemento e desenvolvemento integral dos mozos e mozas que amplían os seus coñecementos e formación no ámbito obxecto da colaboración.

III. A Fundación Fundación para el Fomento del Conocimiento de la Construcción Naval y de las Actividades Marítimas – EXPONAV” (en adiante EXPONAV) é unha entidade sen ánimo de lucro constituída baixo a forma xurídica de fundación que ten a clasificación, declaración e inscrición no rexistro de Fundacións do Ministerio de Cultura, número de rexistro 618 de 14/10/2004, cuxos fines resultan de beneficio para o desenvolvemento do sector cun claro interese xeral para Galicia, xa que se trata dun proxecto singular co que se dinamizará a comarca e o sector a través do fomento e divulgación da actividade museística contribuíndo desta forma a un mellor coñecemento da industria da construción naval.

É por isto que as actuacións de EXPONAV enmárcanse no interese público, social e económico e, de acordo co disposto no artigo 19.4, no seu apartado c), da Lei de 9/2007, do 13 de xuño, de subvencións de Galicia, non é posible promover a concorrência competitiva pola especificidade das características que debe cumprir a entidade destinataria da subvención, o que dificulta a súa convocatoria pública.

IV. Que é vontade da Xunta de Galicia, a través da Consellería de Política Social, colaborar coa Fundación Exponav co fin de facilitar á xuventude galega o acceso á actividade museística e achegar aos mozos e mozas a un mellor coñecemento da industria da construción naval.

Que os intereses converxentes das partes asinantes exclúen o ánimo de lucro e non poden satisfacerse axeitadamente mediante a celebración dun contrato dos recollidos no Texto Refundido da Lei de contratos do sector público, aprobado polo Relá decreto legislativo 3/2011, do 14 de novembro, ou doutro instrumento alleo á natureza estritamente convencional.

En atención ao exposto, e co fin de dar cumprimento ao preceptuado no artigo 15.2 da lei 1/2016, do 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asino esta memoria.

Santiago de Compostela, 26 de xullo de 2016

A directora xeral de Xuventude, Participación e Voluntariado

Cecilia Vázquez Suárez

